

Summaria instructio eorum, quæ scire oportet Præsentaturos;
 præsentandosq; posthac ad sacrum, & Perinsigne Collegium
 Maius S. Clementis Hispanorum. Auspicijs bo. me. Emin.^{mi}
 ac Reuer.^{mi} Principis D. D. Ægidij S. R. E. Card. Albornotij,
 Bononiæ conditum, ex Statutis Collegij ipsius excerpta.



N CHRISTI NOMINE Amen. Illustris. & Reuerendis. necnò
 Perillustribus, ac Reuerendis in Christo Patribus Dominis, Dei, &
 Apostolicæ Sedis gratia Toletano, Hispalensi, Cæsaraugustano,
 Compostellano, Vlißiponensi, Burgenfi Archiepiscopis, Conchenfi,
 Saguntino, Palentino, Cordubensi, Legionensi, Oxomenfi, Abu-
 lenfi, Salmanticensi, Ouetensi Episcopis, Decanis, Capitulisq; ip-
 sarum Ecclesiarum, quorum quidè Præsulum cum suarum Ecclesiarum Capitu-
 lis, ius est in perpetuum Scholasticos præsentandi ad Collegium Maius Hispanorū
 sub titulo Diui Clementis Bononiæ conditum auspicijs bo. me. Eminentiss. ac Re-
 uerendiss. D. D. Ægidij S. R. E. Card. Albornotij Episcopi Sabinenfis, Archiepisco-
 pi Tolerani, ac totius Italiæ Legati Generalis, necnò N. Albornotio Præsuli de
 dicta Familia, & Illustris. Viro N. Albornotio, Albornotiæ Familiæ Principi, ad
 quos singulos etiã pertinet Scholasticos præsentare ad Theologiæ, & Iuris Ca-
 nonici facultates, iuxta statuta Almi, & Perinsignis Collegij omnibus alijs in voi-
 uerum, ac singulis, ad quos pertinet quomodolibet, aut pertinere potuit huiusmo-
 di præsentatio quibuscumq; nominibus censeantur, aut dignitatibus præfulgeant.

N OS RECTOR, & CONSILIARII prædicti Almi Collegij Maioris salutem in
 Domino. Quia nò modo ex nostris statutis tenemur admonere Illustris. Do-
 minationes Vestras, certioresq; facere de forma, & modo Scholasticos ad hoc no-
 strum Collegium præsentandi, sed etiã summè cupimus eorum commodis con-
 sultare, quorum plerique quarundam rerum ignoratione nò mediocrem iacturam
 laboris, & impensæ facere: Idcirco officij esse duximus Illustris. Dominationes
 Vestras his litteris, quo pacto deinceps ipsos præsentare debeant, admonere, &
 illos quomodo ad nos accedere debeant, instruere, & edocere.

Primò igitur, Præsentari debent ad Nos afferre litteras præsentatitias (quas titulos vo-
 camus) alteras Præsulis, alteras verò Capituli, in quibus (quemadmodum, & in lit-
 teris Procerū Familiæ Albornotiæ) exprimi debent nomina, & cognomina Præsen-
 tati, & vtriusq; parentis ipsius; locus quòq; habitationis, ac Diocesis eorum. Litte-
 ras autem Capituli oportet esse subscriptas Decani, aut (eo absente) proximæ di-
 gnitatis, duorum etiã Canonorum, & Notarij publici nominibus, ac capitulari
 Sigillo

Sigillo signatas. Præfulum verò tituli manu, & nomine cuiusq; ipsorum, & Secretariorum subscribantur, sigilloq; obsignentur Episcopali, quod dictum intelligatur etiam in titulis Principis viri Albornotiæ familiæ. Si autem Præfules extra fines suarum Dioecesum, vel plus decem leucarum intervallo à suis Ecclesijs obfuerint, ut pareatur laboribus, & expensis Scholasticorum, suis cuiq; principalis in iure dicendo Vicarius in ius præsentandi succedat, dummodo in litteris præsentatijs fiat expressa mentio absentia Præfulis.

Secundò, omnes Præsentatores iure statutorum nostrorum hortamur, ut ex suis Civibus, vel certè Dioecesanis præsentent, qui si se non obtulerint, aut quæsi non inveniuntur licebit alios præsentare, sed ex eo dumtaxat regno, ubi ipsorum Ecclesia sita est; Cæsaraugustani ex Aragonia, Vlissiponenses ex Portugallia, cæteri omnes, etiam Albornotiæ familiæ, ex Regno dumtaxat Castellæ latè vocabulo (viti solet) intellecto, ut Toletum etiam, atque Beticam comprehendantur. Non tamèn possint Scholastici ex singulis Dioecesibus, quarum Ecclesijs nullum ius est præsentandi, simul esse nisi tres ad summum in Collegio. Præterea dictos Dominos Præsentatores hortamur, ut intrà octo menses (à die huius monitionis computandos) Scholasticos præsentent, aliàs enim facultate Statutorum nostrorum utentes in iure præsentandi præbendas ad præsens vacantes succedemus. Si verò intrà id tempus præsentauerint Scholasticos, quos ipsi tanto prosequuntur beneficio, faciant per suos Officiales humanè, & benignè tractari, nec ab eorum exiguitate plus dimidia ducati pro litteris extorqueri patiantur, & hæcenus de Præsentatoribus, nunc autem de præsentatis pauca dicamus.

Scholasticos igitur præsentatos his nostris litteris admonitos esse volumus, nè præsentatijs titulis impetratis, & apud nos exhibitis, statim temerè, ac sinè ullo delectu, se admittendos esse putent; Nam qui Urbem incolit, cui præsit Episcopus, coram ipso, vel eius Vicario Generali, qui aliud Oppidum, aut Vicum coram Iudice Ordinario Ecclesiastico, vel sæculari. Et si nullus ex his fuerint ibi, coram proximi Oppidi, aut Viceiudice, quinque saltem Testes Christianos veteres, omni exceptione maiores eius loci, quem Pater habuerit (quia genus, & res nostras melius novere vicini) nisi fortè dictus Pater à Patria commigraverit aliò, nam tunc testes, & testimonia indè summi volumus, ubi maior pars Consanguineorum præsentati fuerint, & ideò ubi verisimile est genus ipsius maximè notum esse, per se, vel per Procuratorem producat, quorum singuli iurati, & secreto à Iudice examinati, verissimè testentur de sequentibus.

- 1 Primò de cognitione præsentati N. Patris, & N. Matris, illius incolarum Oppidi, de N. & de loco, vel Civitate, in qua dictus Præsentatus natus fuit, & de cognitione præsentati N. aui, & auiæ ipsius ex parte Patris, & N. aui, & auiæ eiusdem ex parte matris, & cuius Dioecesis, & Oppidi sint, vel fuerint.
- 2 Itèm examinandi sunt Testes secundum generales legis Interrogationes, & si ex parte dicti præsentati fuerint dolo inducti, præventi, aut corrupti, ut benè de illius generis claritate testificentur.
- 3 Itèm, si sciunt de præsentato virtutibus, & bonis laudabilibusq; moribus esse præditum, ita ut in tali Communitate absq; præiudicio possit vivere, & attigisse saltim vigesimum primum suæ ætatis annum, & si fuerit ex Canonistis alterutri luri, si verò ex Theologis artibus Philosophiæ, & Theologiæ in aliqua Vniuersitate generalis Studij per quinquennium, vel saltè per quadriennium operam dedisse, & Baccalaureatus gradum accepisse.
- 4 Itèm si sciunt dictum præsentatum non esse diuitem, adeò ut qualiacumq; vectigalia summam centumquingenta aureorum Bononiam allatorum non excedant, (diuitiæ tamen paternæ, quantumcumq; magnæ, filio ad hoc impedimento ne sint) nec esse, vel fuisse Monachum, Fratrem, Religiosum, Canonicum Regularem, seu

- seu aliquam Religionem professum, nec Coniugatum, vel Contagioso morbo laborantem, sicuti lepra, morbo gallico, aut alio, ex quo deformis nimis efficiatur, nec aliquam vilem artem ipsum, vel aliquem ex eius maioribus exercuisse, nec dictum presentatum in abiecto ministerio alicui famulatum fuisse, aut alterius cuiuslibet Collegij Famulum, siue familiare extitisse, nec habere in hoc nostro almo Collegio Patrem, Fratrem, Patruum, auunculum Fratris, & Sororis filium.
- 5 Item si sciunt dictum presentatum non fuisse accusatum, incarceratum, nec condemnatum per Sanctam Inquisitionem, vel per alium quemlibet Iudicem Ecclesiasticum, aut Secularem ob delictum hæresis, vel aliud, ex quo sibi infamia irrogatur, siue irrogata fuerit, imò bonum, & Catholicum Christianum semper habitum fuisse, & communiter receptum, nec unquam contrarium audiuisse.
- 6 Item si sciunt prædictum presentatum esse filium legitimum, & naturalem N. patris, & N. matris suæ, & ab eis uti talem habitum reputatum, nominatum, & educatum.
- 7 Item dictum N. Patrem dicti presentati, vel N. auum, siue N. auiam ipsius ex parte patris, vel proavos, aut maiores eius coniunctim, vel disiunctim non fuisse accusatos, condemnatos, nec incarceratos per Sanctam Inquisitionem ob delictum hæresis, nec per alium Iudicem Ecclesiasticum, aut Secularem ob delictum, ex quo sibi irrogetur, vel irrogata fuerit Infamia publicè, vel secretè, imò supradicti omnes sunt, & semper fuerunt habiti, & communiter reputati fideles, & antiqui, ac Catholici Christiani, nec unquam in contrarium aliquid audiuisse.
- 8 Item si sciunt dictum N. Patrem dicti presentati, ac N. & N. avos paternos, proavos, vel maiores illius coniunctim, vel disiunctim non esse, nec fuisse Iudæos, Mahumetanos, Hæreticos, Reconciliatos, Neophitos, aut noviter conuersos, nec ullam memoriam, vel famam esse ipsos, siue ipsorum aliquem aliqua ex parte genus ducere ab aliqua ex prædictis maculis, imò potius omnes esse, & fuisse Christianos veteres, & ut tales absq; vlla prava macula habitos, & communiter ab omnibus reputatos in Ciuitatibus, vel Oppidis, quorum incolæ fuerunt: & manifestum, publicamq; omnium famam, & opinionem clarè, & distinctè deponant, dicentes, ubi, quando, à quibus, & coràm quibus contrarium audiuerint.
- 9: 10 Item supradictæ proximæ duæ interrogationes fient ad pedem litteræ de N. matre dicti presentati, ac de N. & N. auis suis ex parte matris, & suis maioribus, ex quibus ipsi veniunt.

11 Item si sciunt dictum presentatum filium dd. parentum, & nepotem dd. auorum, omnesq; illos, ipsiusq; maiores habitos, & communiter receptos Christianos veteres, exemptos ab omni prava macula Maurorum, Iudæorum, Hæreticorum, & Reconciliatorum, vel si aliquid in contrarium unquam audierint, clarè, & distinctè deponant, dicentes à quibus, & coràm quibus audierint, & super omnibus articulis supra positis examinentur Testes de publica voce, & fama, circa vitam, mores, & puritatem sanguinis dd. presentati, ipsiusq; parentum, & maiorum.

QUA probatione ita facta, coràm alio Notario fiet alia trium testium, qui deponant prædictos quinque Testes, & Notarium primæ esse Christianos veteres absq; vlla macula Maurorum, Iudæorum, Hæreticorum, &c. quæ testimonia disiunctim claudantur, & sigillo Iudicis signentur, ac ita clausa, & signata ad nos afferat dictus presentatus, cum litteris presentatitjs in formam supra traditam conditis.

Quibus allatis, & presentatis per aliquod temporis spatium Bononiæ tenebitur commorari antequàm admittatur, secundum nostrorum Statutorum formam, absq; dispensatione tamèn cuiuslibet minimi defectus earum. Non autèm omninò necessarium est, ut originalia probationum afferat, sed sufficit exemplaria earum afferre cū testimonio Notariorum attestantium apud se originalia remanere manu propria
testium

testium subscripta, vel aliorum eorum nomine, si scribere nesciant. Quæ exemplaria clausa, & sigillo Iudicis signata omnino esse debent. Transacto dicto tempore, si probata fuerint punctum illi signabimus, & in eo lectionem legere, & omnibus argumentantibus respondere die sequenti tenebitur, ut melius de ipsius litteris, sufficientia, & docilitate (cognita iam generis puritate) Iudicium fieri possit. Si verò post eius admissionem aliquis dolus, seu falsitas in quavis probationum, aut titulorum parte, vel eius persona deprehendatur (quod diu nunquam nos latuit) expelletur turpissimè à Collegio, & quæ ab ipso receperit emolumenta restituere cogetur. Et quia Collegium certis annis, ac temporibus ad examinandas dd. probationes, & instrumenta solet nuncios, & perquisitores in Hispaniam mittere, contra Iudicem, Testes, & Notarios, qui in culpa fuerint, de iuris rigore procedetur. Emolumenta autem, quæ præfatus præsentatus à Collegio habebit, sunt sequentia: prima die sui ingressus sibi consignabitur cubiculum omnibus rebus instructum, cum claue tamèn Bibliothecæ communis, & Statutis Collegij; & in toto octonio habebit duas Vestes ex panno, centum libras Bononienfes, quas nos subsidium appellamus, quolibet anno, ac triginta libras candelarum, vel olei, ad suas lucubrationes; Et si Rector fuerit, habebit, præter subsidium ordinarium, centum, & quinquaginta libras Bononienfes; Si verò in Vniuersitate Bononiensi obtinuerit Cathedram, fruetur ex parte Collegij subsidio triginta Scutorum Bononiensium, vltra prouisionem dictæ Vniuersitatis, & ordinarium Collegij subsidium. Itèm habebit famulos communes, etiam ad res suas particulares, Medicum, Chirurgum, Tonsores, & reliqua agrotantibus necessaria; Et si gradum Doctoratus in sua facultate post tertium sui ingressus annum susceperit, non mediocriter à Collegio habebit iuuamen. Vltimò si rectè, ac studiosè, & secundum Statuta nostra vixerit, commorabitur in Collegio per spatiũ octo annorum, & non vltra, nisi Rector fuerit, tunc enim nouus illi conceditur annus; & quando secundæ probationes fiant in Hispania, fient expensis Collegij.

Dat. Bononiæ in hoc Nostro Sacro, Maioriqu; Collegio in Camera Nostra Rectorali
Die Mensis Anno